

**Ka Moporesidente
Dieter F. Utchtdorf**

Mogakolodi wa Bobedi mo
Boporesidenteng jwa Ntlha



Lefoko la Modimo go Bana Ba Gagwe

Dikwalo tse di boitshepo dire bolelela gore selo sa ntlha se Modimo a neng a se dira morago ga go bopa monna le mosadi e ne e le go bua le bone¹ O ne a na le polelo ya bothokwa le melawana e a tlhokang go ba di naya. Maikaelelo a gagwe e ne e se go ba imetsa kgotsa go ba tshwenya mme go ba kaela ka boitumelo le kgalalelo ya bosakhutleng.

Mme seo e ne e le tshimologo fela. Go tswa letsatsi leo go le, Modimo o tswetse ka go buisana le bana ba Gagwe. Mafoko a gagwe a dibetswe, le go tshegediwa, mme a ithutilwe ke barutwana ba losika longwe le longwe. A tlotliwa ke bao ba ba batlang go itse thato ya Modimo, mme ba fa bopaki go boammaaruri gore “Morena Modimo ga a kake a dira sepe, fa e se a senolela diphiri tsa gagwe go batlhanka ba gagwe baperofeti.”²

Se e sale e nna tsamaiso e sale tshimologo ya nako mme tsamaiso e tswetse le gompieno. Se ga se fela polelo e e monate ya Baebela; ke tsela e e tlhomamisitsweng ya Modimo ya go buisanya melaetsa e e bothokwa mo baneng ba Gagwe. O tsosa batho mo gare ga rona, a ba bitse go nna baperofeti mme a ba neye mafoko go a bua, a re lalediwang go a “amogela,” jaaka ekete a tswa mo molomong wa [Gagwe].³ O boletse, “A ke ka lentswe la me kgotsa ka lentswe la batlhanka ba me, go a tshwana.”⁴

Se ke mengwe ya melaetsa e e galalelang, kgothatsang, nametsang ya Tsosoloso—Modimo ga a didimala! O rata bana ba Gagwe. Ga a re tlhogela gore re kgarakgatshege mo lefifing.

Gabedi ngwaga le ngwaga, ka Moranang le Phalane, re na le sebaka sa go utlwa lentswe la Morena ka batlhanka ba Gagwe mo khonforenseng ya rona ya kakaretso e e gakgamatsang .

Ke lo naya bopaki jwa me gore lebaka le le leele pele ga sebui mo khonforense ya kakaretso se dira mosepele o moleele go ya kwa seraleng, o a bo a dirisitse matsapa a magolo, thapelo, mme a ithutontshitse go thomo ya go bua. Molaetsa mongwe le-mongwe wa khonforense o emetse bontsintsi jwa dioura tsa paakanyo le kopo ya maikutlo a a tseneletseng go tlhaloganya se Morena a eletsang Baitshepi ba gagwe ba se utlwe.

Go ka diragalang fa rona jaaka bareetsi re ka lekalekanya paakanyo ya sebui le ya rona? Go ka nna pharologanyo jang fa re ka tla khonferenseng ya kakaretso fa re bona khonferense jaaka sebaka sa go amogela melaetsa mo Moreneng ka sebele? Ka mafoko le moopelo wa khonforense, re ka solofela go amogela dikarabo tsa boesi tsa dipotso dingwe le dingwe kgotsa mathata a re ka ntswang re lebagane le one.

Fa e le gore o kile wa ipotsa gore a Rraetsho wa Legodimo ka nnete a ka bua le wena, ke tlaa go gakolola mafoko a a motlhofo ntswa a le bothokwa a pina e bana ba Poramari ba e opelang: “[O] ngwana wa Modimo, mme [o] lgo rometse fano.” Maikaelelo a gagwe ke go go thusa go boa “go ya go tshela le ene letsatsi le nngwe.”

Fa o atamela Rraetsho wa Legodimo jaaka ngwana wa Gagwe, o ka mmotsa ka pelo e e tlhwaafetseng, “Nkgoge,

nkaele, tsamaya fa thoko ga me, nthuse go bona tsela. Nthute tsothle tse ke tshwanetse go di dira.” O tlaa bua le wena ka Mowa o o Boitshepo, mme ke gone go mo go wena “go dira thato ya gagwe.” Ke go solofetsa gore fa o dira, “masego ka letlotlo a mo mabolokelong .”⁵

Kaelo ya Modimo e a tlhokega gompiano fela jaaka go kile ga nna mo ditsong tsa lefatshe. Jaaka re ipaakanyetsa go utlwa lefoko la Morena, a re batleng ka tlhwaafalo Mowa wa boammaaruri gore fa Morena a bua ka batlhanka ba Gagwe, re ka tlhologanya, ra nonotshiwa, mme ra itumela mmogo.⁶

Ke paka gore “ka go dira dilo tse dikgoro tsa molete ga di kitla di [re] fenyaa; ee, mme Morena Modimo o tlaa patlhalatsa dithata tsa lefifi go tswa fa pele ga rona, mme a dire gore magodimo a tshikinyegele molemo wa rona, le kgalaletso ya leina la gagwe.”⁷

DINTLHA

1. Bona Genesis 1:28.
2. Amose 3:7.
3. Dithuto le Dikgologano 21:5
4. Dithuto le Dikgologano 1:38.
5. “I Am a Child of God,” *Hymns*, no. 301; *Children's Songbook*, 2–3.
6. Bona Dithuto le Dikgologano 50:21–22
7. Dithuto le Dikgologano 21:6

GO RUTA GO TSWA MO MOLAETSENG O

Ka nako ya khonforense ya kakaretso re ka amogela dikarabo go dipotso tsa rona le mathata fa re reetsa batlhanka ba Modimo ba ba tlhomilweng. Akanya ka go buisanya tse di latelang le bao ba rutang; O ka ipaakanya jang go amogela dikarabo tse di ntseng jalo ka nako ya khonforense ya kakaretso? Poresidente Uchtdorf o re rotloetsa “go batla ka tlhwaafalo Mowa wa boammaaruri.” O akanya gore seo se raya eng, mme o ka akaretsa se jang mo ipaakanyong ya gago? Mo tlaleletsong ya masego a umakilweng mo Dithuto le Dikgologano 21:6, ke afe masego a mangwe a tlang jaaka o ipaakanyetsa go utlwa mafoko a Morena ka batlhanka ba Gagwe? O ka laletsa bao o ba rutang go kwala; seo se Mowa o se ba rutang ka khonforense e ya kakaretso.

BANANA

Go ipaakanyetsa go Utlwa Lentswe La Modimo

Poresidente Uchtdorf o tlhalosa ka fa selo sa ntlha se Modimo a neng a se dira fa a sena go bopa monna le mosadi e ne e le go bua le bone le go ba naya molaetsa le melawana. Re amogela tshagofatso tse di tshwana ka Moranang le Ngwanatsele ka nako ya khonforense ya kakaretso. fa Baeteledipele ba Kereke ba re buisa le go re naya kgakololo e Morena a batlang re utlwa.

Ao kile wa utlwa lentswe la Modimo ka batlhanka ba Gagwe ka nako ya khonforense ya kakaretso? A kile wa ikutlwa jaaka e kete molaetsa mongwe o o tlhamaletseng o go naya karabo e o ntseng o e batla? Mo jenaleng, o ka kwala maitemogelo ao le ka fa a go thusetseng ka teng. Ke gone o bo o ipaakanyetsa go utlwa Lentswe la Modimo khonforense e e tlang ka go kwala fatshe dipotso tse o nang natso le go di ithuta ka nako ya gago ya go ithutontsha dikwalo tse di boitshepo. Rapela Rraetsho wa Legodimo, o kope go amogela dikarabo le dipono ka nako ya khonforense. Jaaka o reetsa batlhanka ba Morena, elatlhoko ditlhotlheetso ka bongwe. O ithutile eng? O ikutlwa o tlhotlheetsega jang go fetoga? Kwala fatshe ditlhotlheetso tseo gonne se ke Mowa o buang le wena!

Gakolgelwa ka metlha gore Rraetsho o o ko Legodimong o a go rata e bile o tlaa go kaela mo tseleng ee siameng. Jaaka o leka go utlwa lentswe la Gagwe ka batlhanka ba Gagwe o tlaa segofadiwa le go ntlafadiwa

BANA

Ipaakanyetse khonforense!

Kwala ditlhotlheetso tse mo pampitshaneng. Tshegetsatshe pampiri ka nako ya khonforense gore o ka kwala fatshe se o se ithutang.

Kwala dipotso tsa gago. Ke ipotsa ka . . .

Rapela Rraetsho wa Legodimo Ke karata thuso go ithuta ka . . .

Reetsa khonforense ya kakaretso Ke ithutile . . .



Rapelela Kgaitisadi Mongwe le Mongwe ka Leina

Lorato lwa rona le tlhotlheletso mabapi le bao re ba rutang ka tekolo di tlaa oketsega fa re rapela ka boikokobetso ka ga mme mongwe le mongwe ka leina la gagwe.

Tumelo, Lelwapa, Thuso

Dikwalo tse di boitshepo di abelana dikai tse dintsi tsa banna le basadi ba ba rapeletseng ba bangwe ka maina. Mo gare ga tse di makatsang thata ke rraagwe Alema yo Mmotlana Moengele o buile le Alema yo Mmotlana, a mmolelela gore rraagwe[o] rapetse ka tumelo kgolo mabapi le wena . . . ; ke gone ka moo, ka maikaelelo a ke tsile go go lemotsha ka thata le taolo ya Modimo, gore dithapelo tsa batlhanka ba gagwe di ka arabiwa go yeng ka fa tumelong ya bone.” (Mosiah 27:14).

Go rapelelana go bula dipelo tsa rona go amogela ditshegofatso tse Morena a eletsang go re di neela. “Maikaelelo a thapelo ga se go fetola go rata ga Modimo, mme ke go ipeela le ba bangwe ditshegofatso tseo Modimo a ntseng a eletsang go di re neela, mme gore re tshwanetse go di kopa go re re tle re amogele”¹

Mongwe wa bomme o boletse gore ka motlha wa sebaka se se

thata mo botshelong jwa gagwe go lelediwa kana go kwalelwa molaetsa gantsi go ne go tswa mo baruting ba gagwe ba tekolo “segolo jang malatsi a thata.” Ba ne ba lebeba ba itse fela fa a tlhoka kgothatso. O ne a itse gore ba mo rapelela, gotlhe ka nako ya ditekolo le nako tsa bone.

“Akanya ka thata ya rona e e kopanyeng fa mme mongwe le mongwe a na le thapelo e e tlhwaafetseng moso mongwe le mongwe le bosigo kgotsa, botoka, ba rapetse ba sa eme jaaka Morena a laotse,” ga bua Julie B. Beck; Poresidente ya pele ya Mokgatlo wa Thuso wa Kakaretso.² Go rapelela bao ba re ba rutang go a re nonotsha ka bongwe le jaaka bomme ba Baitshepi ba Malatsi a Bofelo.

Poresidente Henry B. Eyring, Mogakolodi wa Ntlha mo Boporesidente jwa Ntlha, o buile: “Rapelela tsela ya go itse dipelo tsa bone. . . . O tlaa tlhoka go itse se Modimo a

ratang o se dira go ba thusa le go dira gotlhe, jaaka o ka kgona, o utlwa lorato lwa Modimo go bone.”³

DINTLHA

1. Guide to the Scriptures, “Thapelo”
2. Julie B. Beck, “What Latter-day Saint Women Do Best: Stand Strong and Immovable,” *Liahona*, Nov. 2007, 110.
3. Henry B. Eyring, “Priesthood and Personal Prayer,” *Liahona*, May 2015, 85.

Akanyetsa Se

Ke tlhotlheletso efe ya bosheng le megopolo e e tlileng kwa go wena jaaka o rapeletse bomme ka bongwe ba o ba rutang?

Go direla

Ka go rapelela mme mongwe le mongwe ka leina, re tlaa amogela tlhotlheletso ka fa re ka dirang ka teng go matlhoko a mme mongwe le mongwe o re mo lekolang.